

洞庭湖三府式州八
縣卅大水入湖全畧

序

洞庭海內巨浸也昔黃
帝張樂於此本以山得
名山海經洞庭之山在九
江之間所謂九江辰沅漸
澘潯西澧瀘湘也九水
中五入於沅與澧瀘
沅瀘而為四同注洞庭
以會江故五口然故
國策又謂之洞庭五
渚也然皆後世所命
名禹貢但謂之九江

曰九江孔殷曰九江納
錫大龜曰過九江至敷
淺原曰過九江至東陵
皆指荊州無及揚州者
自秦漢以來九江之
稱或移之江北移之

淮南移之楚嘉祇以禹
貢有九江無洞庭遂併
九江之名而棄之揚州
之域似儒耳食入主出
奴至今猶聒然惑洞庭
此其大者不究以無考

也按淳書地理志九江
郡秦置而未定其地
鄱謂秦始立九江
郡治壽春此蓋淮南
郡治非九江也以壽春
為九江自元狩六年

始有實壽春背淮負
皖南陷濡霍與江絕
不涉不知武帝何
由捨淮而以江為稱竊
謂九江立郡漢之誤沿
於秦而王端則起於楚

楚國都江陵曰郢中
後遷徙如鄢郢如鄢
鄢皆以鄢名史記考
烈王十三年東徙壽
春命曰鄢是仍施舊
郢於新邑也洞庭九江

洞庭湖志

序

四

為附近國都之藪鄢徙
而九江隨以徙如東晉
渡江而南竟南徐汝州
亦因之僑置也然則
地安在曰洞庭九江在
故鄢之南三百里間

則僑置六當在壽春移
如今六安州境史記九江
王莽布都六即其地已
舍持此論惟萬子彈峯
後然之以為前人所未
及萬子博學多通要

洞庭湖志

序

五

為造謠時需次都門意
亦繁上省洞庭志藪
乃為長沙太守沈君
廷璠屬余訂定者余
方巡城鮮暇因轉以屬
之俾竟其事越十年而

以志成步蓋是志為華
宏拔負基世基所親輯
澤厚學博大觀垣輯
以遺沈志守其又增之
訂訛補缺係於前書
其用力勤矣余身庸

多及而惟以同庭即大
江之說實之莫遠於古
今者採之焉
大清道光五年歲次乙
酉仲夏月上澣兵部
侍郎巡撫安徽等處

地方善始善終右副都
御史兼提督銜前翰
林院編修安徽陶時
撰撰并書



洞庭湖志序

五湖洞庭為長九江湖沅最長附洞庭得名者
首青草赤沙而洞庭一湖總統之與湘沅爭流
者首瀘源澧浦皆洞庭一湖兼收之記云五嶽
視三公四瀆視諸侯其餘視伯子男四瀆之外
惟五湖以五湖位置之洞庭之為伯無得而議
焉然太湖居五湖之末而太湖有志西湖在五
湖之外而西湖有志則洞庭之宜志也為尤急

洞庭湖志序

雖然洞庭固不可無志而志之成則必待其人
而後定洞庭之有志也始基之力創於蔡鰲柱
補輯之功賴有沈筠堂夏楓江至於督脩之績
則必歸

大中丞雲汀先生一人而已憶吾邑前輩蔡
鰲柱知名士也隨楚南提學葉書山先生闕試
士之文凡三府一州八縣之濱湖者檄取其志
依類而錄之不一二年而稿本揃就尚未呈政

於提學而鰲柱已辭世矣鰲柱沒此稿在先叔
禹山手先叔乃鰲柱及門士欲成其師之志未
逮而沒此稿遂在滄手嘗聞其文頗多闕略
而經紀尚未盡善欲離析而整齊之亦以剗刪
之事為難而中心乾隆癸丑冬岳陽太守沈筠
堂先生欲纂此志聞學博夏楓江言鰲柱稿在
滄處遣人索取滄舉而付之以為此書必獲有
成矣及嘉慶乙亥冬

洞庭湖志序

中丞在都為侍御忽以洞庭湖志一書託滄訂
正滄取而觀之始知沈筠堂夏楓江補輯之本
已成未及援梓就裁於

雲汀先生先生乃虛懷若谷謂滄曾修岳州巴
陵志熟於地方形勢悉其故實故以屬滄而不
疑也滄謂此書補輯鰲柱所未備而其中未備
者尚多此亦非一朝夕所能畢事

中丞謂不須求急但求盡善而已友人陳卷山

在京見此書借觀之後出都竟携以南歸屢寄書索之而道遠難得時以不能成此書而又失去原本為恨道光元年辛巳涪銓六安丞雲汀先生以是年藩屏皖省每以負託為慙先生亦含意而未發也癸未歲先生巡撫安徽需米賑飢民涪奉檄赴漢陽買米聞卷山司鐸宜章遣人往索此書得之暇時輒一尋縫之甲申夏再脫稿呈政於

庭湖志

序

三

丞中丞喜涪之卒克有成也乃竄之刪之而付梨棗曰此志為吾南楚一大典故不可不汝無力任此今南楚仕於皖者不乏人驟舉之不難集同鄉諸人欣然應命六月越月人告成故曰督修之績則必歸丞雲汀先生一人也噫此書不成於書山與鰲柱以其草創未定也不成於筠堂先江以其尚有疑而未果也茲成於

雲汀先生所謂必待其人者豈不然乎回憶雲至楓江時已四十餘年楓江至今復三十餘年此日脫稿又三年經數人纂輯參考之勞前後七十餘年而後就緒時亦久矣且此志為南楚書不成於南楚而成於江南豈有其時復有其地乎蓋必待其人焉耳有其人則此書之成遂可信今而傳後使閱者知洞庭之大數倍太湖西湖而洞庭之志則山川險要古今戰守及

洞庭湖志序

四

堤防水利賦稅諸典章皆於是焉可稽今古人文雄才傑作欲與洞庭爭海涵地負之奇者皆於是焉可見亦不似太湖西湖之志僅記景物之佳麗錄文詞之雕鏤而已也

六安州丞華容萬年涪撰



洞庭湖志

凡例

一此志與他山川志不同蓋他志不過鋪張勝景供遊覽吟咏茲則地險爲滇黔楚蜀之咽喉水利資長岳澧常之蓄濬關係甚鉅載筆尤宜詳慎鄭漁仲有云誌之大原起於爾雅詳浮言略事實皆不足盡爾雅之義是編於山川水道隄垸戰守兵防稅課諸門悉力搜輯或不致爲漁仲所訶

一洞庭雖界連諸郡惟岳陽高踞湖濱俯瞰全勝是志獨詳所謂巴陵勝狀在洞庭一湖故諸門皆首巴陵

洞庭湖志

凡例

一

一華容次澧州之安鄉次常德之武陵龍陽沅江次長沙之益陽湘陰俱以湖爲中央制臨四方而三府一州八縣疆域盡於此著矣

一志無沿革一門蓋地有沿革水無沿革而東西南北分隸處亦不可不詳茲故於輿圖之後附載岳郡沿革一篇而湖上形勢大畧已具於此矣

一志倣於史貽厥方來資以考信故雖大吏亦稱官稱名茲志沿例直書識者知不罪其仇慢

一志中徵引頗多皆標本書名目不敢掠美前人也至其中有紀載互異抑或義有未安間參鄙見均以按

字別之

一隄垸以資保障然如巴陵華容防江諸隄武陵益陽等縣防上流諸隄混而列之奚所區別是志凡與湖無涉者不錄要期嚴實云爾

一各郡邑乘志必詳載其地之人物是湖據天下之勝原非一鄉一里所得私故於遊覽一門統舉古今來名賢碩彥功德文章卓然可見者著於篇而其地產偉人亦互見此門內不爲另錄

一洞庭湖志皆取材於各府州縣志如某地州縣志云在縣東幾里幾十里或云在縣南在縣北此州縣志

洞庭湖志

凡例

二

體裁則然作湖志似應以湖爲主宜云在湖東湖西然由水而之陸與由陸而之水其程途一也湖志仍如州縣志體裁者抑亦不失文獻之舊使後之考實者有所據云

一碑記卽藝文不必分別與通志金石畧另爲一門其例不同蓋碑板無多記所謂刻唐賢今人詩賦於其上者迄今又數百年百無一存惜哉乾隆八年張文敏公所書岳陽樓記亦一大觀也蓋我

朝書法以張文敏爲第一而文敏書法又以岳陽樓記爲第一今之鈎而刻之者正復不少不使岳陽四絕

獨專美於前湖志畧此以另有鈎本故耳

一藝文備志諸體故一代名人不必皆有詩文卽一人之詩文有關洞庭者亦不必盡錄擇其尤者而著錄之亦足見洞庭之大卽詩文亦有不能盡收者矣

一是志較原本輿圖增其四藝文增其五星野事紀則全更之摺據增其六而又分其次序以便觀覽其間諸門附錄之論皆原本所無而不可缺者觀此志者尙有挂一漏萬之訕從而式廓丕增之則其幸也

一藝文向只分朝代而洞庭藝文幾可盈尺不分其體則茫無分別彼此夾雜長短混殽觀者難於辨別茲於文則分騷賦考記碑記文序書辨疏解議書後十三體於詩則分五古七古五律七律五絕七絕五排七排四言六言詩餘聯句集唐十三體無題不有無體不備益足徵洞庭之爲大觀也

洞庭湖志目錄

卷之一

輿圖一

皇言二

星野三

卷之二

湖山四

卷之三

水道五

洲港六

磯圻灘嘴埂及江灣潭浦池窖夾口附

洞庭湖志

目錄

卷之四

隄垸七

稅課八

卷之五

兵防九

風俗十

物產十一

古蹟十二

祠廟十三

卷之六

遊覽十四

卷之七

事紀十五

卷之八

摺據十六

卷之九

藝文一

文上

卷之十

藝文二

文下

卷之十一

藝文三

詩一

五言古

七言古

卷之十二

藝文四

詩二

五言律

七言律上

卷之十三

藝文五

詩三

七言律下

卷之十四

藝文六

詩四

五言絕

七言絕

五言排律

七言

騷詞

四言


六言


聯句

集唐


洞庭湖三府式州八縣山水全圖

洞庭湖府州八縣四大水入湖全圖





按洞庭一湖連三府一州八縣之地周圍八九百里在禹貢名九江其實止有四大水湘沅資澧而已四水又惟湘沅最大最長而瀟水入湘無叙辰酉四水入沅湘沅資澧合瀟無叙辰酉是爲九江其實入湘沅資澧之水尙有百數十道水以九江名者據其大者而名之也卽水之專達於湖尙有數十道水亦不僅湘沅資澧而獨言湘沅資澧者亦據其大者而名之也但圖有無漸有瀟蒸其實漸統於無蒸統於瀟耳至大江水之由澧而入湖者又別爲一支不在九江之數也茲於輿圖之前增此一圖水道始分明而三府一州八縣之地皆瞭然如指掌矣



洞庭湖志卷之一

安撫陶雲汀先生督修



岳郡守沈筠堂先生總纂


候選訓導蔡世基原本

岳州教授夏大觀補輯


六安州承萬年淳再訂

古者職方詔地事則有圖況洞庭據荆郢之上游捍三
湘之門戶關全楚之利害者乎昔鄧侯收秦圖籍具知
天下阨塞戶口多少強弱之差漢宣帝核吏必叅考輿
圖是輿圖原爲吏治而設凡隄坑之防蘆葦之利皆民
命所係至於荏苒窟宅戒衣裯而防未雨尤不可不瞭
然於心目而遊目騁懷藉以抒奇又其餘也志輿圖







洞庭西望圖



洞庭南望圖




洞庭南望圖




洞庭南望圖

岳陽樓圖



君山圖





論曰右舊圖止有東西南北四圖但必先有全圖而後
可分而爲四也若岳陽樓之雄傑君山之俊麗皆不可
少而洞庭秋月爲八景之一亦不可不附於後增此四
圖合而爲八湖之形勝大概具於此矣又各郡縣志之
有八景也處處皆然惟湖南通志瀟湘八景爲極大此
八景規於米襄陽其詞其序皆足以冠絕羣倫八景之
在洞庭僅洞庭秋月耳要之瀟湘夜雨遠浦歸帆乃洞
庭湖之一隅皆湖中實景也山市晴嵐有妙於鹿角者
乎不必在湘潭也漁村夕照有妙於城陵磯者乎不必
在桃源也江天暮雪有妙於岳陽樓雪景者乎不必在

長沙也。爛寺晚鐘有妙於乾明寺者乎？平沙落雁有妙於洞穆二村者乎？不必在衡山也。雖謂八景皆洞庭所有，亦可然。洞庭之大，非八景所能盡。茲僅列其一，不必侈陳其餘。蓋湖之大，觀原不藉此品題，而襄陽之作，則全附於詩，所以備其本末耳。

附岳郡沿革論

論曰：岳郡沿革，其大要有三：一曰郡縣，二曰南北，三曰東西。秦始南鄙，初闢此地，未置郡縣，亦未知春秋之所謂麋子城者，雉堞猶存否耶？漢置下雋，於是乎有縣名。孫劉分爭，吳始設郢閤城，以屯糧；巴邱城，以屯兵。時雖

爲重鎮，亦未聞有郡縣名。晉平吳，析吳之巴邱城爲建昌郡，始立巴陵縣。巴陵瀕於重湖，建昌非卽巴邱，此時有縣名，尙未聞有郡名也。南北朝時始立巴陵郡，巴陵縣於是乎有郡名。陳梁置巴州，於是乎有州名。隋平陳，始更名岳州。自後州名屢改，而郡縣不離巴陵。時郡以挾縣而州實大於郡，終唐之世三百餘年，終始以岳州爲名。宋謂之軍，而有郡有縣，元謂之路，而領縣領州有革之名，無革之實。明初增州爲府，府始大於州。州與縣比，府與郡比，而郡縣之名始定。且荆楚之間，長沙爲大都，會秦爲郡，漢爲國，巴陵地屬焉，是初固隸於南也。三

國時劉據公安而吞八郡，孫遷武昌而據四屬，於是始割而北。晉時一隸湘州，一隸長沙，則仍然南也。南北朝迄無定屬，隋則仍歸長沙，唐分岳州屬江南西道，爲揚州之南境，則又割而北矣。宋分湖南北路，岳州隸北者二，隸南者一，元屬湖廣行省，而以鄂州爲省會，仍隸於北。明屬湖廣布政使，亦如元制。至國朝雍正二年，南北分關，岳始歸南。復秦漢版章之舊矣。若夫疆圉之廣，隴地形之離析，自秦置南郡，長沙東西界以湖湘，漢晉南北朝未之有易也。湖以西，西漢則孱陵，東漢則南郡，蜀漢則枝江。晉則南平，六朝因之。至隋割華容隸於岳，始及湖西。隋末及唐並西，及沅江矣。宋元割沅江而西，去明時又割鼎澧而東來。國初因明之舊，然形勢隔絕，水陸遼遠，雍正分關之後，乃大更定地之阨塞，則仍府縣廣之，縣衰則分南北湖之險阻，則析岳澧定山川之形勝。復宋元之陳規，斯拘不易之軌也。

洞庭湖志卷之一

安撫陶雲汀先生督修

候選訓導某世基原本

岳郡守沈筠堂先生總纂

岳州教授夏大觀補輯

六安州丞萬年淳再訂

皇言二

國朝金甌鞏固海宴河清洞庭安瀾永奠南維

列聖煥號頻宣

遣祭

賜額輝煌冊典以暨石臺創建

恩慈廣被傳於無窮

皇言一

皇上疇咨民瘼於重吏奏勘瀕湖隄垸仰承

諭旨籌畫周詳允符

謨訓茲敬謹登載於篇首以昭

厚澤深仁涵濡荆藪萬世實永賴焉

康熙十八年七月二十日

皇帝遣禮部主事鮑復業致祭於洞庭湖之神曰朕惟景運

長隆允藉百靈之助神明效順聿修咸秩之文是以詩

誦懷柔禮敦祀細稽祭義胥答鴻庥況乎肆征不庭

佐國威於有赫采入其祖彰神怒之式憑幽贊聿昭衷

稱宜懋惟神德符河海秀結東南納三峽之洪流瀝九

江之殊派膏吳潤楚普美利以成能浴日含靈協太虛而敷化粵自唐宋歷被崇封暨我

國家彌宣偉績頃者逆氣未靖天討用加地當師旅之屯

衆賴精英之祐閱時八月波浪無驚俾我六師舳舻其

濟堅城立拔餘孽宵奔奮言捷伐之奇勲實屬神功之

丕顯特申昭報式考羣章封爲洞庭湖之神載諸祀典

神其永膺嘉號配岳瀆而咸尊益著珍符格馨香於勿

替專官告祭惟神鑒知

雍正三年四月二十二日

皇上遣湖廣提督魏國經致祭洞庭湖之神曰維神靈鍾荆

楚膏潤東南三峽瀝流九江合派朕撫馭寰區考稽典

禮將祈福以庇民宜加封而致祭爰命所司崇神封號

曰涵元瀝利洞庭湖之神惟冀波浪永靜蒸黎獲利濟

之安風雨以時稼穡享屢豐之慶神其昭鑒來享茲芬

雍正九年正月二十一日奉

上諭朕聞洞庭一湖綿亘八百餘里自岳州出湖以君山爲

標準一望杳渺橫無涯際而舵桿洲居西湖之中去湖

之四岸或百餘里或二百餘里舟行至此倘風濤陡作

無地停泊亦無從拯救多有傾覆之患昔人曾經創議

若於此處建築石臺則狂風巨浪之中商船有泊灣之

所實有裨益祇以水中立基工用浩繁事不果行朕以勤求民瘼爲心凡內外遠近地方疏濬修建功程可以利濟羣生者無不樂爲興舉况商賈行旅之往來可以避風波之險而登衽席之安尤事之所當舉者查營田水利捐納項內有平餘銀二十萬兩著將此項銀兩解送楚省交與總督邁柱會同巡撫趙宏恩遴選賢能之員相度估計悉心經理建築石臺以爲舟船避風停泊之所務期修造堅固以垂永久毋得草率塞責特諭

雍正九年三月湖廣總督邁柱奏洞庭爲域內第一大湖風浪叵測出其途者莫不恐懼咸有戒心蒙

皇上聖明遠照

特發帑金二十萬兩於湖中舵桿洲建立石臺俾往來舟楫得有避風灣泊之所保全生命此乃開闢以來億萬年未有之舉自我

皇上創之由今而後千萬年不朽之功皆我

皇上成之行據委理工程道員許登瀛逐一估計又於東西兩面各建廟宇一所召僧住持又蓋營房二所撥兵居住守護并立高杆兩枝日則張旗夜則懸燈使行舟遠望得有指歸又於南北兩面擬造店房數十間使貿易者居之出賣米薪以資過往商民食物謹繪建築石臺

圖式恭呈

御覽等因是月二十一日奉

硃批覽奏并圖已悉萬壽宮毋庸建造止立一碑亭可也餘

照議行欽此

雍正十二年五月湖廣總督邁柱奏雍正十二年四月

二十八日欽奉

上諭洞庭湖舵桿洲建築石臺一事地方有司果有玩視工程怠忽從事官員着臣據實嚴參毋得姑容此查近湖十二縣去秋領帑雇募人夫船隻勤敏辦者固多間有二三處不能如期雇到或解不及數者臣以該

令等或才具平常或一時夫船缺少或胥役奉行不善以致未能如期齊全已嚴檄戒飭并檄行總理衡永郴道許登瀛就近查察如有玩視令其詳參茲值湖水漸長對洲取土河堤水已漫過在臺運土夫船均已發回止留運砌石工夫船在臺辦理俟秋時水退仍於對洲河堤取土甚近且土堅如石填築臺心自可趕辦以冀來歲告竣等因是月十五日奉

硃批此工當極加留心督催辦理從前未免懈怠以致蹉跎至今未竣耳欽此

乾隆十二年四月大學士會同工部議覆湖南巡撫楊